



REPUBLIKA E SHQIPËRISË

UNIVERSITETI I SHKODRËS "LUIGJ GURAKUQI"

REKTORI

Nr. 2145 Prot

Shkodër, më 08.06.2026

**N J O F T I M**

Njoftohen të gjithë të interesuarit se në Universitetin e Shkodrës "Luigj Gurakuqi" shpallet konkursi për një vend të lirë pune, për kategorinë staf ndihmës-akademik pranë Fakultetit të Shkencave të Edukimit, Departamenti i Edukimit fizik dhe sporteve, në pozicionin specialist me kohë të plotë.

**Kandidatët duhet të plotësojnë këto kritere specifike :**

1. Të jenë diplomuar në të gjitha ciklet e shkollimit në sistemin me kohë të plotë në "Edukim fizik e sporte" me mesatare jo më të ulët se 7 (shtatë). Për të diplomuarit jashtë vendit kërkohet certifikata e njohjes nga ministria përgjegjëse për arsimin, e noterizuar.
2. Niveli minimal i diplomës për efekt kandidimi në këtë pozicion është "Master profesional"
3. Të njohë një nga pesë gjuhët e huaja të BE-së, anglisht, frëngjisht, gjermanisht, italisht, spanjisht, me nivel jo më të ulët se B1 (notë jo më të ulët se shtatë) të njohur zyrtarisht nga institucionet shtetërore.
4. Preferohet që kandidatët të kenë :
  - 4/1. përvojë pune në fushën e edukimit fizik e sporteve,
  - 4/2. njohuri në përdorimin e veglave/mjeteve didaktike të disiplinave sportive,
  - 4/3. kryer specializime, trajnime apo kualifikime në fushën e edukimit fizik e sporteve,
  - 4/4. aftësi në përdorimin e teknologjisë bashkëkohore në fushën e edukimit fizik e sporteve,
  - 4/5. aftësi shumë të mira komunikimi dhe organizative,
  - 4/6. aftësi të mira kompjuterike.

**Kandidatët duhet të plotësojnë këto kritere të përgjithshme :**

1. Të kenë zotësi të plotë për të vepruar.
2. Të zotërojnë aftësi profesionale specifike për vendin e punës për të cilin konkurrojnë.
3. Të kenë aftësinë e punës në grup dhe aftësi komunikimi profesional.
4. Të mos jenë të dënuar me vendim të formës së prerë nga gjykata për kryerjen e një vepre penale.
5. Të mos jenë larguar nga USH "L.Gurakuqi" pa miratimin e këtij të fundit.
6. Të mos jetë marrë ndaj tyre masa disiplinore e largimit nga puna dhe nuk është provuar largimi i padrejtë me vendim gjyqësor.
7. Të mos kenë dëmtuar publikisht imazhin e USH "L.Gurakuqi".



8. Të mos kenë lidhje **familjare** (bashkëshort/bashkjetues, bir, bijë dhe fëmijët e tyre), **gjinie** (prindër, motër e vëlla dhe fëmijët e tyre) me punonjës ekzistues brenda të njëjtes njësi bazë ku kërkojnë të punësohen si dhe të mos jenë në kushtet e konfliktit të interesave sipas ligjit nr. 9367, datë 07.04.2005 “Për parandalimin e konfliktit të interesave në ushtrimin e funksioneve publike” i ndryshuar.

**Kandidatët duhet të paraqesin këto dokumente :**

1. Të aplikojnë “on-line” në faqen zyrtare të USH-së në internet në adresen [www.unishk.edu.al](http://www.unishk.edu.al) (rubrika Njoftime për punësim – staf joakademik).
2. Kërkesë me shkrim për punësim në USH,
3. Jetëshkrim (CV) me foto personale.
4. Kopje të noterizuara të diplomave universitare (Bachelor dhe MSH ose DIND) në specialitetin e lartpërmendur dhe lista përkatëse e notave të noterizuara. Për diplomat e fituara në universitetet e huaja, duhet të dorëzohet certifikata e njohjes nga ministria përgjegjëse.
5. Kopje e noterizuar e dëshmimeve të kualifikimeve të ndryshme pasuniversitare.
6. Rekomandim ose letër referencë nga punëdhënësi i fundit.
7. Dëshmi e gjuhës së huaj të njohur zyrtarisht nga institucionet shtetërore ose kopje e noterizuar.
8. Dëshmi e gjendjes gjyqsore (dëshmi penaliteti + vërtetim gjykate + vërtetim prokurorie + vërtetim nga zyra e përmbartimit).
9. Dëshmi e gjendjes mjeksore (kartë shëndeti + librezë shëndetsore + raport mjeko-ligjor për aftësi në punë).
10. Vërtetim nga qendra e punës në të cilën ka punuar ose punon (kopje e noterizuar e librezës së punës nëse ka) dhe/ose vërtetim papunësie nga Zyra e punës.
11. Deklaratë që provon kushtet e pikës 3/c të nenit 5 të Rregullores së posaçme të Universitetit “Për punësimin në USH” (për mos-lidhje farefisnore dhe/ose konflikt interesi).
12. Certifikatë familjare dhe fotokopje e pasaportës ose letërnjoftimit ID.
13. Vërtetim rajoni për adresen/rezidencën e banimit (kontratë qiramarrje).

**Shënim :**

- Kontrata e punës do të jetë me afat të pacaktuar konform nenit 37 të Rregullores.
- Kandidatët duhet të dorëzojnë me postë pranë Sektorit të Burimeve Njerëzore, dokumentacionin e mësipërm bashkë me një listë përmbledhëse të këtij dokumentacioni të firmosur, brenda dy javëve nga publikimi i njoftimit në Buletinin e Agjensisë së Prokurimit Publik. (me shënimin “Për konkursin e specialistit të Departamentit të Edukimit fizik dhe sporteve”)
- Konkursi do të zhvillohet me dosje dhe intervistë brenda katër javëve nga publikimi i njoftimit.
- Kandidatët që kualifikohen do të njoftohen me e-mail nga kryetari i komisionit ad-hoc.
- Për hollësi të mëtejshme, si programi, mënyra e zhvillimit të konkursit dhe org-e saktë, t’i drejtoheni dekanatit përkatës dhe/ose Sektorit të Burimeve Njerëzore në Rektorat.

Prof. dr. Tonin GJURAJ

